

# ***Dat Leäve es enne Kreis...***

Hotte Jungbluth 1/2016

Min Modder hätt vröher emmer vörr mech jesait: Et Leäve es enne Kampf!  
– Siege!

Dat möt dä Kampf, dat jeht jo vörr de Jeburt all loss - möt de Zankeree – on zwar, wänn sech die kleen Saamemännkes taggele, wä tei-esch aan – on dann en dat Ei erenn kütt. - Also jedder von os he wett, datt hä be dat Wättränne domols dr Schnällste wo-er – dänn söß wü-er hä jo hüüt net he.

Min Modder hott reit - von weäje Kampf - ävver mech es opjevalle, datt et Leäve och enne Ervollechs-Reng – odder Ervollechs-Kreis es - on ech well öch dat jätz enns vertälle, wie ech dodropp jekomme bönn:

Wänn de zem Beespell veer Joehr alt böss, dann es et enne jru-ete Ervollech, wänn de net mi-e en de Bocks pinkele dehs... on wänn de twällef Joehr alt böss, ess et enne Ervollech, wänn de völl Vrüngde häss. Wänn de achziehn böss, bösse vruhe, wänn de dr Vöhrerschien jemäck häss – on möt twänntech ess et vör dech dr jröttste Ervollech, wänn de Säx häss – nojo – on möt vievendressech, do kickste, datte mööchlechst völl Jäld häss.

Wänn de die Ervollje all so erlääv häss, dann märkste erjeswann, dat sech dä Leävenskreis langsam ävver secher wi-er schleete deht.

Joot - möt sächzech bösse vruhe, wänn de noch mie Jäld häss – on möt sebzech kannze noch rechtisch vru-e senn, wänn de noch Säx häss. Möt achzech, do ess et wi-er enne jru-ete Ervollech, noch enne Vöhrerschien ze hann – on möt vievenachzech bösse häppie, wänn de noch völl Vrüngde häss – ävver möt nüngzech, do schlött sech dä Leävenskreis, dänn möt nüngzech bösse heilvruhe, datt et jätz och vörr äldere Lüüt Pämpers jövv!